

Moć Ljubavi

Autor : girl990



Kada sam bila ugrožena mislila sam samo na njega, hrabreći se njegovim prisustvom. Kada mi je bilo teško pominjala sam njegovo ime, kao u molitvi, nalazeći olakšanje. Kada sam osjetila radost, to je bilo jer mi je on daruje.

Moje želje su bile maglovite i rasute, a sada su skupljene u jednom imenu, u jednom liku, stravnijem i ljepšem od mašte.

Nemoćna pred ljudima, slaba pred svijetom, nespokojna pred nesigurnošću svega, sigurna sam u ljubav koja se strava sama od sebe, jer je potreba pretvorena u osjećanje. Kažu da je ljubav žrtva i nasilje, nudi i zahtijeva, moli i grdi, u ljubavi se osjeća više nego što treba, pati više nego što misli, sanja više nego što se živi, kaže ono što ni sami ne vjerujemo... Ja mislim da je ljubav nešto što se u stvari ne da izraziti riječima...

Sve to nije ni važno kada znam da pored sebe imam nekog ko je uvijek tu, ko mi je zaštita od svega, neko kome mogu da zahvalim, a i da se naljutim, neko s kim mogu da dijelim dobre, a i one loše trenutke koje život nosi sa sobom... ali uvijek svjesna da bi mi bez njega strahovi bili preteški, nade bez korijena, radosti bez trajanja...

